

elicher wirtinn. vnd jro baiden erben vnd näch- / kommenn. Ain pfund vnd zwen schilling pfenning rechtz ewigs zinses vnd jårklichs pfenning geltes alles gûter genåmer pfenning / Costentzer múnss. ald so vil der múnss die ie jårklichs denn ze mål so der zins gevallet vnd vsgricht werden sol. ze veltkilch in der / Statt für Costentzer pfenning in gemainem löff vngevårlich geng vnd genåm ist. Ab vnd vss únserm aigenn ledigenn gût mitenander / akkern wiswachs holtz vnd veld mit dem Seulin<sup>6</sup> das darzû gehõrt ze nächst gelegen an vnserm hus vnd hofstatt da wir hùtt / ze tag vff sitzent, das vormals allesament von Allermånglichem gantzlich ledig lös vnd vnuerkúmbert ist. vnd ainhalb stösset / an die stråss da man gen der Núwen Schellenberg<sup>2</sup> rýt vnd gât. vsswert an das gemain holtz. abwert an den Bomgarten der zû / der selben Schellenberg gehõrt, vnd vffwert an Ammans Stókkli<sup>7</sup> akker. Jtem das vorgeschriben ain pfund vnd zwen schilling / Rechtz ewigs zinses vnd jårklichs Pfenning geltz ab vnd vss dem ietzgedächten únserm aigenn ledigen gût akker wiswachs holtz veld vnd / sewli<sup>6</sup> mitenander. ab grund ab grát. ab wasen ab zwý. ab gestúd ab gebåm wildem vnd zamem. vnd schlechteklich ab vnd vss / allen rechten. nützen. frúchten vnd zûgehõrden benempten vnd vnbenempten. hãnd vorgeanter Cúntz im holtz<sup>1</sup>. vnd Agnesa sin / elichú wirtinn. dem obgenanten Albrechten Jnsigler<sup>4</sup>. Annen<sup>5</sup> siner elicher wirtinn vnd jro baiden erben vnd nächkommenn. für vns vnd och all únser / erben vnd nächkomen. recht redlich vnd aigenlich ze kóffent geben ains ståten ewigen kóffs. vmb Sechtzehen pfund vnd vmb zehen / schilling alles gûter genåmer pfenning Costentzer múnss. dero wir allersament nutzzlich vnd och gar vnd gantzlich nach vnserm / willen an Barem gelt von jnen gewert vnd bezalt sýgint. Mit dem geding das wir vnd all únser erben vnd nächkomen jn dero / hand vnd gewalt das vorgedächt únser aigen gût akker wiswachs holtz veld vnd sêwli näch vns alsuss iemer kunt ald ståt. dem / selben Albrechten Jnsigler<sup>4</sup>. Annen<sup>5</sup> siner elicher wirtinn. ald jren erben oder nächkomenn da sis denn hin verschaffent, das vorgeschriben jro / pfenning gelt ain pfund vnd zwen schilling der vorgedächten múnss. nv hinnenhin jårklichs vnd jegklichs jåres besunder ie vff / sant Martis tag ald darnach jnwendig den nächsten viertzehen tagen ån alles verziehen vnd och gantzlich ån allen jren schaden / in jren gewalt richten geben vnd antwúrten sòllint ån all widerred vnd